



Broj: 03/6-11-7-3392-10/22
Bihać, 19.01.2023. godine

Na osnovu člana 69. stav (3) Zakona o javnim nabavkama („Službeni glasnik BiH“, broj 39/14)(u daljem tekstu: Zakon), a u skladu s članom 33. Statuta Zavoda zdravstvenog osiguranja Unsko-sanskog kantona, u postupku javne nabavke roba – *Serveri i sistemi za pohranu podataka za potrebe jedinstvenog zdravstvenog informacionog sistema*, v.d. direktora Zavoda zdravstvenog osiguranja Unsko-sanskog kantona je donio

ODLUKU o otkazivanju postupka javne nabavke

I

Otkazuje se postupak nabavke roba – *Serveri i sistemi za pohranu podataka za potrebe jedinstvenog zdravstvenog informacionog sistema – LOT2 (Serveri i sistem za pohranu podataka za potrebe PACS i LIS)*, putem *otvorenog postupka*, Obavještenje o nabavci: 190-1-1-45-3-19/22 od 22.08.2022. godine.

II

Postupak javne nabavke iz tačke I ove Odluke otkazuje se iz razloga koji su izvan kontrole Ugovornog organa, a koji se nisu mogli predvidjeti u vrijeme pokretanja postupka javne nabavke, u skladu s članom 69. stav (3) Zakona.

III

Ova odluka objavit će se na web-stranici zzousk.ba istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama.

IV

Ova odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 03/6-11-7-3392/22, od 17.08.2022. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 250.000,00 BAM, pri čemu je procijenjena vrijednost za LOT 2 150.000,00 BAM bez PDV-a.

Obavještenje o nabavci broj: 190-1-1-45-3-19/22 poslano je na objavu dana 22.08.2022. godine i istog dana objavljeno je na Portalu javnih nabavki.

Tenderska dokumentacija je objavljena na Portalu javnih nabavki, u skladu s podzakonskim aktima.

Komisija za javnu nabavku imenovana je Odlukom broj: 03/6-11-7-3392/22, od 17.08.2022. godine.

Komisija za javnu nabavku je blagovremeno i pravilno izvršila otvaranje ponuda dana 09.09.2022. godine, o čemu je sačinila odgovarajući zapisnik, a u kojemu je utvrđeno sljedeće:

- da je ukupan broj pristiglih ponuda za LOT 2 – 1;
- da je blagovremeno zaprimljena 1 ponuda;
- da nije bilo neblagovremeno zaprimljenih ponuda.

Nabavka servera i sistema za pohranu podataka za potrebe jedinstvenog zdravstvenog informacionog sistema u Unsko-sanskom kantonu predviđena je Planom nabavki Ugovornog organa za 2022. godinu. Finansijskim planskim dokumentima za 2022. godinu obezbjeđena su i potrebna sredstva za ovu svrhu.

S obzirom da je nakon pokretanja o objave predmetnog postupka nabavke utvrđeno da trenutno korišteni prostor nije adekvatan niti uslovan za smještaj i nesmetano funkcionisanje serverske opreme koja je predmet nabavke, bilo je potrebno planirati i dodatna sredstva i postupak nabavke usluga uređenja i opremanja posebno određene prostorije u koju bi bili smješteni serveri i prateća oprema, po okončanju postupka nabavke.

Nakon prijema i otvaranja ponuda u ovom postupku, a u fazi pregleda i ocjene ponuda, odgovorna osoba Ugovornog organa zbog zdravstvenih problema i privremene spriječenosti za rad – nije u mogućnosti donositi odluke u ovom postupku nabavke, zbog čega Ugovorni organ nije bio u mogućnosti blagovremeno pokrenuti neophodni postupak nabavke usluga adaptacije i uređenja prostorije (server sobe) u koju bi po okončanju postupka nabavke bila smještena serverska oprema.

Donošenje odluka Ugovornog organa omogućeno je imenovanjem vršioca dužnosti direktora dana 18.12.2022. godine.

S obzirom na navedene okolnosti, odnosno činjenice da do kraja godine na koju se odnosi Finansijski plan i Plan nabavki nije ostalo dovoljno vremena za okončanje postupka nabavke, a naročito ne za započinjanje novog postupka (adaptacije, opremanja i uređenja server sobe), Ugovorni organ nije u mogućnosti okončati započeti postupak javne nabavke.

Naime, Planom nabavki je predviđeno provođenje postupka nabavke *Servera i sistema za pohranu podataka za potrebe jedinstvenog zdravstvenog informacionog sistema* u 2022.-oj godini, za koju su i obezbjeđena potrebna sredstva. Imajući u vidu gore opisane okolnosti i događaje – očito je da postupak nabavke i eventualne realizacije ugovora nije bilo moguće izvršiti do kraja 2022. godine.

Skupština Unsko-sanskog kantona je dana 23.12.2022. godine dala saglasnost na Odluku o privremenom finansiranju Zavoda zdravstvenog osiguranja Unsko-sanskog kantona za 2023. godinu, a kojom Odlukom nije bilo moguće planirati sredstva za nabavku servera i sistema za pohranu podataka. Navedeno iz razloga što po tom osnovu nije bilo realizacije troškova u 2022.-oj godini u potrebnom minimlanom iznosu.

S obzirom da Finansijski plan Ugovornog organa za 2023. godinu nije donešen niti je izvjesno vrijeme njegovog donošenja, a naročito nije izvjesno da li će tim Planom biti predviđena sredstava za ovu namjenu i ako budu da li će biti u dovoljnom iznosu, Ugovorni organ nije u mogućnosti okončati započeti postupak javne nabavke jer za istu nisu obezbjeđena sredstva, i ne postoji sigurnost da će potrebna sredstva u potpunosti biti obezbjeđena.

Iz gore navedenih razloga Ugovorni organ je prinuđen otkazati predmetni postupak javne nabavke, uz mogućnost ponovnog pokretanja postupka za nabavku servera i sistema za pohranu podataka nakon što se ispune svi preduslovi i pretpostavke za njegovu uspješnu realizaciju.

U postupku predmetne nabavke nesumnjivo je utvrđeno da postoje dokazivi razlozi izvan kontrole Ugovornog organa, jer se novonastale okolnosti nisu mogle predvidjeti u vrijeme pokretanja postupka nabavke, čime su se stekli Zakonom propisani uslovi za otkazivanje postupka javne nabavke.

Iz navedneih razloga, primjenom člana 69. stav (3) Zakona, odlučeno je kao u dispozitivu ove odluke.

Pouka o pravnom lijeku

Protiv ove odluke može se izjaviti žalba Uredu za razmatranje žalbi Bosne i Hercegovine, putem ugovornog organa, u roku od 10 (deset) dana od dana prijema ove odluke.

Žalba se izjavljuje u pisanoj formi i u dovoljnom broju primjeraka (najmanje tri).


v.d. Direktor-a

Mirza Tatarević, dipl.prav.

Dostaviti:

- Ponuđačima koj su dostavili ponude (putem e-maila),
- Web stranica Zavoda,
- U spis/TD
- a/a